

INUIT ATAQATIGIIT INATSIARTUNI



UPA2022/051

03.05.2022

Mikivisuk Thomassen

Nunatsinni illoqarfinni avinngarusimasuniittuni peqqissaaviit minnerni nakorsaqarniarneq aammalu peqqinnissaqarfimmi sulisunik amigaateqarneq pillugu Naalackersuisut UPA2023 nallertinnagu nassuiaasioqquneqarnissaannik Inatsisartut aalajangiiffigissaassattut siunnersuut.

(Naleqqap Inatsisartunut ilaasortaaitai)

Siullertut qujarusuppunga saqqummiissumut.

Kalaallit nunaanni illoqarfinni avinngarusimasumiittumi peqqissaaviit minnermi nakorsassaaleqineq kiisalu peqqinnissaqarfimmi sulisunik amigaateqarneq sulisussaaleqisarnerlu pillugit imaattumik oqaaseqassaagut.

Kalaallit nunaat isorartoqaaq tamatta ilisimaaraarput ingerlaannaq avinngarusimasuni inoqarfiillu ingerlaannartumik tикиneqarnissaminnut killeqarsinnaasarlutik, soorlu saqqummiisut oqaatigereerai.

Soorunami illoqarfinni inoqarfinnilu minnerni peqqinnissaqarfimmut saaffiginnissinnaaneq ilaatigut oqitsuinnaasanngitsoq ilisimalluarpara, tamannalu soorunami uggornartarpoq, ilaatigullu utikannermik kinguneqarsinnaasarlutik peqqinnissaqarfimmut misissortsinneqarnissamik paasisaqarnissamillu neriuteqartumik.

Kalaallit nunaanni inoqarfinni minnerni kiisalu illoqarfinni angisuuni nakorsassaaleqineq allanillu sulisussaaleqineq ukiuni kingullerni annitusiartortoq takuneqarsinnaavoq tamani, kiisalu inoqarfinni minneri najugaqartuulluni ersarissorujussuuvoq, nakorsat paarlakaannerujussuat aalingersimasumillu

INUIT ATAQATIGIIT INATSISARTUNI



sulisussaaleqineq peqqutaallutik, soorunami inoqarfinni minnerni najugalinnut, tamanna ilaatigut toqqissisimannginnermik kinguneqarsinnaasarpog sulisut paarlakaappallaaleraangata.

Kalaallit nunaanni peqqinnissaqarfimmut sulisussatigut ajornarsiuteqarnera soorunani unammillernartuuvoq, illoqarfinnili minnerni najugalinnut aamma sunniuteqartumik illoqarfinnilu anginerni aamma tamanna unammillernartuusoq erseqqissaatigineqarnikuuvoq.

Soorlu oqaatigineqartoq Peqqinnissaq pillugu ataatsimiititaliarsuarmit peqqinissaqarfik pillugu suliap killiffiini saqqummiisoqarmat nalunaarutigineqarpoq, suliarli suli naammassineqanngitsoq.

Siusinnerusukkut ilisimasagut nakorsat, sunut tamanut ilisimasallit allaat pilaasinnaasut amigaatigilernikuuagut.

Nakorsamut atuarneq allanngornikuuvoq, ullumikkummi nakorsat immikkut ilisimasassaminnut toqqaasalernikuuput, tassa specilistitut ilinnigaqartarput.

Immikkullu iliniagaqarsimaneq piumasaaqateqarpoq,

Nunatsinnilu illoqarfinni mikinerni , inuit ikittunnguutillugit, immikkut ilinnagallit ilinniagartik naammattumik sammisinnaanngilaat.

Tassaavorlu Nunatsinnut sumiiffinni mikisuni unammillernartog annerpaaq.

Tamanna anigorniarlu Soorlu Isumasioqatigiit qiterpaarlugu killifimminni saqqumiigamik oqaatigigaat "Ungasissumiit teknologi atorlugu nakorsiarsinnaaneq piorsarneqartariaqarpoq.

Qassimmi atorfiit inuttassasiorneraluarlugit qinnuteqarfigineqanngitsut nalaanneqartuarput. Qinnuteqartitsisarneq aamma aningaasarpassuarnik atuiffiusarpoq.

INUIT ATAQATIGIIT INATSISARTUNI



Atorfinitsitilernermili Regionimi nakorsatut atorfininnerup nassatarisaanik avinngarusimanerusuniittussaaaneq aamma erseqqissartuartariaqarpoq, taamaalilluni inuttassaaleqinermi.

Peqqinnissaq pillugu ataatsimiititaliarsuup suliannut ilanngunneqarnissaa innersuupparput kaammattuutigalu peqqissaartumik sularineqarnissaa.

Taamatut oqaaseqarluta Inuit Ataqatigiinniit innersuussutigissavarput suliaq sukumiisumik eqqartoqarneqassasoq ilaqutareeqarnermi peqqissutsimilu ataatsimiititaliami.